

光緒

黎平府志

(一)

清・俞渭 修 陳瑜 纂

光緒十八年黎平府志局刻本 八卷首一卷

敘

光緒重光單閏十七年

皇上親政已三載華夷賓服乾坤清晏懿鑠巍煥文治大昌館臣方簪筆雍容議修

國典亟求天下輿圖阨塞策爲全乘藻績山河維時都外諸郡邑咸得攷獻文勒方志備銓擇焉適重修黎平府志告成守斯土者例得弁言軸首竊維黔十三府黎稱奧區古荊州荒裔地也牂柯通道廢置靡常明初改流設職遂爲巨郡襟帶楚粵輻輳八萬軍民星羅棋布開國龍興拓地流賊尚竊踞十餘年厥後經略籌邊師武臣力莫可

黎平府志卷首

殫述還定安集富庶以昭其間分宿之炳燭流峙之巔源動植之名狀建營規畫所因華士夫賢達所游產沂而更上蔚若皞如乃於是乎可志踵始前明續於近代屢數十弓率舉一隅志閭屬者或病蕪陋原委遂惜讀者益憾嘗謂志本史遺古者列國有史歲獻王朝因知字內戶口田賦山川之圖籍迄漢龍門蘭臺創天官河渠地理食貨諸志於表紀外即後世執簡之徒所由昉故馬郡陽云志者憲章所繫非志於典故者不能爲蓋凡吏治隆替風化馴漓胥將於茲乎取鏡如第侈景物揚聲名粉飾廣輪標張盈帙奚以信於今而善厥後耶審如是志實治之譜也府

有志治府之譜也黎瀕楚徼南風競武漢夷雜居知志黎有較不易者一嚴體例志首體例勿濫勿闕人而知之勝地中區獻章賅富刪極有資若本莽僻又經喪亂藏卷既鮮老宿亦稀桃閣紀年之書彙淫鄭向桐魚叩石之對博少茂先防其濫幾無濫可收補其闕幾無闕可拾則體例不易嚴一備考核四庫所集存諸清秘遠陲邊郡靡自尋觀單行別本僅綴隻言挂遺乖宜豈足據證竄金根之名訛仍韓景辨牙銜之錯傳失公孫求夫山川能說古事可問斯愈難矣則考核不易備一精裁制陳帙駢疊近採環羅凡例各歧聞見尤異沿更捫取所貴心權他如務詞令

黎平府志卷首

二

之清言或非實錄騁鴻奇之覩記屢襲原文欲其繁不入尤簡而賅要故事核於新舊法則通於古今勿爲先輩所愚足示後人以信案置一冊珍比金科斯即才美荀袁學稱政驗猶未可必則裁制不易精知斯三者而後可爲志且可爲黎志歲戊子甫來興郡吏進郡志即前守楊刊道光年輯本也既蕪陋不耐板復缺亟擬重輯苦費無出越己丑三江民具牘來云苗髮亂近數十年忠節孝義可傳事懼久沒宜昭激勸示來茲請酌公費議續輯樂允之延貴陽陳孝廉瑜王纂席孝廉固博敏日力不足繼以夜掃批糠糲漆炬豁然炯然千絲萬絡析而分之比而合之數

易草積帛箱几恆盈尺一事未剖一理未愜率經營往復
耗力疲神不自已第六閱月而稿定總九十餘萬言視楊
刻體盡易雅贍又過之援據悉礪而法以語夫體例之嚴
考核之備裁制之精如前所論列誠有隱符而無相悖蓋
早晰然於三者之不易而務爲其難殆古所稱頭白汗青
者洵如是已目凡八子目四十體用既賅經緯煥焉曰天
文首星野次占驗次氣候次祥異胥五行中事也曰地理
首建革疆域山水城池以類屬而水道關隘尤要者曰食
貨洪範八政遺也首戶口田賦繼積儲蠲卹而農桑物產
尤備者曰典禮富加教也學校祭祀列會典州郡常行或

黎平府志卷首

三

棄不載是慎也會典帙夥僻壤奚覓載所常行俾人人觀
公禮家禮附焉曰武備輔文事也始兵制又屯衛又保甲
防邊宜亟圖厯代師旅編年述戰略詳於終曰秩官別文
武昭典守也咸列表以世次而卓然者錄其績傳之士司
以地判詳襲次附諸末曰人物曰藝文人物一薦辟爲孝
廉方正再科目更敘表之奇出者核實爲傳列女並著焉
藝文先書籍接其目而金石雜記舊敘悉錄矣近敘引書
暨圖說并軸端別爲目不入入者詩文公牘有干係備察
宸章咸恭錄冠各類前餘俱爲雙行注本事不另錄明所後也
尤所切要或大書示區別也談藝家或謂方志圖說皆名

山誌史體應一律不得參經疏式公牘間詩文皆嫌雜凡
流連風景無盡關勸懲礙於體裁者皆宜除倣昔人文徵
類選示別俾並行著其潔云云獨不知左氏史祖也而徵
引諺謠近言不廢班范巨手也而援引經語不以謂雜藻
麗辭賦每登行間三通鴻製也而史傳紀述官府文書不
嫌合取特體小異耳詩文另選嫌駢枝雙行注斯聯屬便
循覽得壽志法蓋藉以驗故實識土風要皆政教所應留
不得拘於墟而棄之圖志則有元和郡縣元豐九域已開
先均足據也於茲見孝廉之博敏不忽所爲並喜數百年
憾爲蕪陋失原委諸志一旦美且完如是典郡者手一冊

黎平府志卷首

四

如操券由是以畫封圻以審登耗以齊民俗以詰戎經以
昭文物而發幽潛所謂吏治隆替風化馴漓固可於茲取
鏡詎止侈景物揚聲名粉飾廣輪標張盈帙云爾乎且黎
據五龍雙鳳之勝自昔靈淑鍾毓尤多偉傑之才如文烈
讀書之閣太常光祿之故里登高憑弔慨然想見其爲人
他如武鄉新息之聲威龍標滄浪之丰采尤外來所卓卓
者經千百餘年霜烈日炙以剝蝕摧殘而遺韻流風卒不
磨於荒煙蔓草況夫赤子弄兵潢池告警黎屢爲多事地
當時控馭方略攻防利害操縱機宜更守土者所宜知而
承平以官治民離亂則官民並命抗節登陴黨孽羈旅之

士化鬼雄夷國殤皆與前哲遙相望可勝紀錄嗟乎紅羊
黑犢四野烽多碧血青燐千秋精耿非特有存焉者其奚
以垂教而作忠乎此則志所特重而亟欲纂輯者也渭少
邁粵逆亂不克承先世書澤橐筆從江南軍轉戰數千里
積功博微祿始游黔值戎氛旁午當事者以爲曉方略授
一軍防中路枕戈磨盾於文事愈未暇顧卒賴先後守疆
大府籌畫勳勞一時帷幄英特甲冑雄材又足以彌禍機
而躋清泰渭虎口之餘昇平同覩復以微勞上敘膺

朝命典茲區迴憶鉅角聲喧絃歌盡輟今得與諸君子從容文
讌樂何如之殆亦始念所不及歟書成爲述孝廉經營意

黎平府志卷首

五

匠體要所關翫縷筆之以質觀者俾不沒其所以然且幸
三江民急公好義郡人士皆相與有成而尤幸浪穹趙君
適以名孝廉知開泰協理之力爲多均得備銜各次第彰
於首祀舉月朔

誥授中議大夫鹽運使銜補用道銓僧額巴圖魯知黎平府事
嘉善俞渭謹序

續修黎平府志敘

黎平爲古荊州荒域自明置府迄今殆五百年
山川鍾毓代有傳人政賦民風日新月異紀載
者毋慮十餘家大抵志黎平外僅及開泰以永
從僻遠而古州下江來屬猶後也道光間權守
楊踵前人未竟業集邦人士搜故帙訪遺聞合
諸廳縣修輯成書府志規模初具然於地理山
水考證或未精詳胡學使舊序已備言之近數

黎平府志卷首

一

十年且經兵燹因時制宜改革固多而忠節奇
行湮沒於荒僻犂犂之鄉者尤宜及時採輯昭
示來茲俾有觀感而立一郡人心風俗之大防
則府志之修固不容緩乎今太守嘉善俞公蒞官
以來百廢并興覽志之餘慨然以續修爲己任
而秉筆殊難其人且需資繁未易從事也會天
柱有垂江之役太守爲民請命舊章得以勿壞
民生利賴厥功茂焉事定三江紳庶咸戴太守

德亦知修志之爲盛事也爰有請提江費三年之舉今春二月闢局郡城延貴陽陳豹初孝廉王纂輯任孝廉具博雅才窮日夜力六閱月稿遂定噫甚神速矣閱其書總九十餘萬言立綱八列目四十分帙十四其於舊志也多補正齊一之功續志則事必徵諸實言務求其當體例賅備燦然秩然洵美可觀自今以往黎平數百年文獻千餘里疆域億萬民生計朗若列眉手

黎平府志卷首

二

此一篇得其要領優優敷政豈非官斯土者之大幸哉雖然開泰附郭之邑也鶴待罪於茲二年餘矣民貧土瘠方虞富庶未能何敢遽期以禮教俾知公好義其襄盛舉自問復學識荒陋勞形案牘掌簿書毫無襄贊之力而府志以成即不官開泰之志成矣欣幸之餘愈滋愧慙是役也經費取給三江邦人士分任採訪經理諸務不遺餘力檢校則彭君汝疇之力爲多益

承其父志也書成用誌顛末如此

光緒十七年八月知開泰縣事前工部屯田員外郎

浪容趙一鶴謹譔

黎平府志卷首

三

銜名

鑒定

貴州巡撫崧蕃

貴州學政陳榮昌

貴州布政使王德榜

貴州按察使黃槐森

貴州糧儲道黃元善

貴東兵備道員鳳林

署貴東兵備道袁開第

總理

黎平府志卷首

黎平府知府俞渭

協理

開泰縣知縣趙一鶴

督採

署古州廳同知徐紹祖

古州廳同知章桂慶

下江廳通判汪承恩

署下江廳通判白建鏊

署下江廳通判史鸞書

永從縣知縣黃大仟

黎平府經歷趙錕

錦屏縣丞車璜

明洞縣丞林鏞

丙妹縣丞周立昌

纂輯

貴陽府進士陳瑜

檢校

黎平府舉人彭汝疇

黎平府廩生胡生同

採訪

黎平府志卷首

黎平府舉人龍尙靈

黎平府舉人張光煥

黎平府拔貢吳錫華

黎平府歲貢顧立志

黎平府廩生彭汝鼐

黎平府增生楊希沛

開泰縣舉人任志儒

開泰縣舉人姜興渭

開泰縣職員廖承蛟

開泰縣恩貢羅萬月

開泰縣歲貢曾昭丙

開泰縣附生高文彬

錦屏鄉拔貢王勛臣

錦屏鄉恩貢曹其楷

錦屏鄉廩生徐洪彝

錦屏鄉廩生邱培基

古州廳增生石梯雯

古州廳廩生杜祖勛

古州廳附生李玉振

古州廳附生詹象儀

黎平府志卷首

三

下江廳監生易家琳

下江廳職員吳文和

永從縣拔貢王應槐

永從縣恩貢郭鴻基

繕寫

開泰縣附生黃榮誥

繪圖

黎平府附生姚國鈞

黎平府附生徐國瑞

黎平府附生郭崇勛

黎平府附生周培霖

經理

黎平府增生謝文模

督刊

黎平府教授王炳南

開泰縣訓導馬開文

前署黎平府經歷李朝紳

開泰縣典史黃禎祥

黎平府志卷首

四

稟稿

敬稟者案據卑府屬三江紳耆龍慶榮等稟稱黎平志書自道光年間重修歷今數十年未經修理而府城四鄉及各屬兵燹後凡捐軀殉難建功保土忠孝節義定不乏人誠恐代遠年湮無從徵考亟應搜羅採輯重登志乘庶足昭激勸而示將來無如需款甚鉅籌措維艱致多年未克舉辦職等再四籌商擬於三江應得之行用網費內暫提抽二釐五毫作修志費定以三年爲限每案輪抽一年自本年庚寅起至壬辰年止年滿即行停抽俾得以修輯府志此係職等爲地方公事起見情願抽辦理合公同具稟

黎平府志卷首

一

懇祈轉稟設局辦理等情據此卑府覆查黎平府志多年失修原書板片均已蕩然無存現經肅清已久亟應及時修輯茲該紳耆等既願於三江應得之行用網費內提抽二釐五毫作修志費誠屬急公好義且於三江分年提抽定有年限更屬於民無傷於公有濟自應俯如所請准暫提抽三年一俟屆滿即行停止倘將來如有不敷之處即由卑府捐廉籌辦以期告厥成功卑府當即諭令如稟照辦並明白出示曉諭一面即延請名手設局修輯及派委妥紳分頭採訪除俟修理刊刻成書再行恭呈憲覽外理合據情轉稟伏候批示知府俞渭稟

告示

爲曉諭事照得黎郡之有志由來久矣惟修自數十年以前其間疆域之沿革風土之盛衰徭賦之重輕戶口之增減人材之代謝利病之變更時勢既殊考察必備況經兵燹以來幽隱多待闡揚事蹟未經著錄倘不及時搜採亟修輯以成書必至歷久愈湮無足徵之文獻近因三江紳董行戶情願酌提經費三年爲期成此美舉本府特爲通稟立案聘請名手設局纂修訂於二月初五日開辦除遴委紳士各路採訪並刊章程移廳行縣就近委紳採訪統限四箇月採齊外合行會銜出示曉諭爲此示仰各該處

黎平府志卷首

二

紳耆士庶人等如確有耳目所見聞或係家藏之譜錄凡屬忠孝節義可傳之事金石文字有用之書准其開具事實交採訪人或呈地方官郵寄或逕赴志局親投統限五月底到齊以憑輯修遲恐不及至任採訪各紳均係就近委任每月酌給薪水無需夫馬往來所採之件寄到局時照給來人錢文其餘經費一切概不派累地方倘有造言生事假公濟私以及節恩挾嫌無端毀譽應報不報或濫報不實者一經查覺定干未便毋違特示

引書

御批通鑑輯覽

尙書注疏

御選古文淵鑑

周禮注疏

欽定四庫全書提要

禮記注疏

欽定明史

儀禮注疏

欽定協紀辨方書

爾雅注疏

欽定儀象考成

爾雅翼

欽定殉節諸臣錄

詩經注疏

欽定貳臣傳

毛詩陸璣疏

欽定逆臣傳

論語摘輔象

黎平府志卷首

欽定笙詩樂譜

春秋文耀鉤

欽定明臣奏議

春秋元命苞

欽定熱河志

春秋運斗樞

欽定淵鑑類函

春秋考異記

欽定子史精華

古微書

聖武記

仲尼弟子傳

皇清經解

禮殿圖考

大清一統志

授經圖

大清會典

仲尼弟子考

大清通禮

山海經

王會解補注

孔子家語注

管子

商子

莊子解

列子

荀子

呂氏春秋

淮南子

國語注

戰國策注

史記

史記集解

史記索隱

史記正義

前漢書

前漢書注

前漢紀

後漢書

後漢書注

黎平府志卷首

三國志

三國志注

晉書

宋書

齊書

周書

隋書

舊唐書

新唐書

五代史

宋史

元史

資治通鑑

通鑑綱目

續資治通鑑

明季稗史

史略

帝王世紀

符堅載紀

續表忠記

平叛記

經典釋文

段注說文

說文解字義證

揚子方言

廣雅

通雅

埤雅

駢雅訓纂

玉篇

廣韻

星經

推步法解

觀象授時

揣籥小錄

華陽國志

水經注

水經注箋

今水經

續水經

黎平府志卷首

三

水道提綱

禹貢錐指

元和郡縣志

太平寰宇記

元豐九域志

肇域志

讀史方輿

輿地旁證

錄異記

蠻書

蠻司合誌

獻徵錄

東華錄

明一統志

閩里志

廣輿記

八紘譯史

輿地經緯度里表

儀象志

七修類稿

荊州記

零陵記

荆楚歲時記

岳陽風土記

蜀都碎事

論衡

烏青文獻

焦氏易林

齊民要術

韓詩外傳

裴氏新書

文獻通考

續文獻通考

五禮通考

通典

通志略

部頒則例

學政全書

摺紳全書

貢舉攷略

黎平府志卷首

四

益部方物志

益部方物略記

神農書

異物志

博物志

南方草木狀

格物論

廣志

酉陽雜俎

本草綱目

正韻

崔豹古今注

正字通

月令廣義

字彙補

羣芳譜

花鏡

禽經

藥譜

木棉譜

楞藕譜

棉花圖

竹譜

廣菌譜

滇行紀程

峒溪織志

東還紀程

滇黔紀游

農政全書

沈氏農書

張氏補農書

農譚

蠶經

務本新書

蠶桑寶要

田居蠶室錄

戊巳編

沈存中筆談

北山集

杜陽編

黎平府志卷首

五

困學紀聞

墨莊漫錄

湧幢小品

蚬菴瑣語

池北偶談

暑窗臆說

夢餘筆談

藥溪談記

隨園隨筆

覺軒雜記

春渚紀聞

荒年雜詠

廣虞初新志

太平御覽

太平廣記

冊府元龜

廣事類賦

昭明文選注

曹子建集

唐文粹

全唐詩

李太白集

杜工部集

陸宣公集

王少伯集

韓昌黎集

柳柳州集

王司馬集

白香山集

朱子全書

魏華父集

容齋隨筆

蘇東坡集

鐵崖古樂府

楊升菴集

呂叔簡集

船山遺書

毛西河集

小倉山房文集

忠雅堂集

黎平府志卷首

六

擘經室集

蔡九霞集

春融堂集

晏一齋集

獨樹軒詩文集

章氏遺書

黔風舊聞錄

金會元集

朱丹木詩集

羅蘇溪集

沈蘋濱詩集

卷施閣集

嘉蔭堂稿

邵亭詩鈔

巢經巢集

青郵山人詩集

黔詩紀略

侍雪堂詩文集

冠山詩文稿

南邨草堂文集

移芝集文集

沅湘耆舊集

胡文忠公集

函樓詩鈔

摩園閣詩鈔

丁戊之間行卷

香草山房詩集

先正事略

湘軍志

湖廣通志

湖南通志

湖南靖州志

湖南武岡州志

湖州府志

陝西通志

溟系

靈壽縣志

雲南省志

謝東山黔志

貴州通志

黎平府志卷首

七

貴州省志

郭青螺黔記

田山蘊黔書

黔南識略

李芝齡黔記

貴陽府志

遵義府志

正安州志

綏陽縣志

松桃廳志

興義府志

普安廳志

黔西州志

鎮遠府志

黎平府全圖

黎平府志卷首

一


周禮職方掌天下邦國都鄙圖知四方利弊所以成一代之治也蕭何入關先收圖籍漢祖因知天下富強鄧禹按圖光武因知天下形勝趙充國平羌至金城圖方略兵不血刃四夷賓服蓋山川險易瞭若指掌而後能隨勢利導之也黎平處遐荒爲辰靖藩屏任綦重矣使不明形勢何以識經理之方繪中外以圖其全者若爲中若爲外若爲司若爲所若險峻若平易若山高而憂旱魃若水泛而慮商羊條分縷析俾展圖披閱雖窮山幽谷如在目前不必輶軒之採而險易之情燦然矣無事而預爲防有事而易爲援圖之爲功大矣哉

黎平府境圖

黎平府志卷首

黎平府在省城東南其境東至湖南靖州通道縣屬流團屯界西至都勻府獨山州屬壩皆寨界南至廣西羅城縣屬石碑界北至鎮遠府天柱縣屬岔處寨界東南至廣西懷遠縣屬古泥寨界西南至都勻府荔波縣屬山洞寨界東北至靖州屬洪江橋界西北至鎮遠府柳霽屬杆寨界斗絕一隅四至皆僻徑無驛遞有亮江河一渡口距省最遠

黎平府境圖 每方按鳥里五十里



開泰縣圖


黎平府志卷首

二

開泰縣附郭其境東至湖南靖州屬零溪司界西至府屬潭溪司界南至永從縣界北至府屬龍里司界東南至通道縣屬深渡界西南至潭溪司界東北至錦屏鄉山洞屯界西北至清江廳屬南嘉堡界俱與府地畸零相錯大道十僻路五由萬福山歷羅團六寨至錦屏爲通衢東南二路出靖州通道縣爲捷徑

開泰縣境圖 每方準鳥里十里

東



古州廳圖


黎平府志卷首

三

古州廳在府治西在省城東南其地與清江台拱八寨丹江都江同時建置爲新疆六廳東至府屬增盈寨界西至都勻府都江廳屬喬包寨界南至都勻府荔波縣屬山洞寨界北至清江廳屬稽寨界東南至下江廳屬傳洞寨界東北至府屬巴王寨界西南至都江廳屬壩皆寨界西北至丹江廳屬牛皮箐界地分上中下三保廳城在三保之中枕山面江川原平衍榕都二水兩岸皆山惟車江自樂鄉以下至廳城幾三十里之遙迤邐潞洄榕樹參天榕城所由名也

古州廳境圖 每方準鳥里十里

東



下江廳圖

黎平府志卷首

四

下江廳在府治南在省城東南其境東至府屬宰己寨界
南至廣西思恩縣屬困洞寨界西至古州廳屬八吉寨界
北至府屬平有寨界東南至廣西羅城縣屬歸江寨界西
南至都勻府荔波縣屬巴容里界東北至府屬友里寨界
西北至開泰縣屬社里真銀寨界西往古州爲水路北往
府城爲陸路

下江廳境圖 每方準鳥里十里

東

